

流寇長編



流寇長編卷七

吳江戴笠耘野  
崑山吳喬修齡  
輯編



七年甲戌春正月戊子朔河南巡按劉令譽以京軍破賊于沁陽之牛蹄村殺渠飛虎斬千餘級

賊為左良玉湯九州所逐分走一云鄖陽一云唐陽掠落湖陂白露店

唐寅山西總兵張應昌渡河擊靈寶賊斬二百級擒李晉王洵陽無城辛卯鄖賊破之

鄖陽撫治蔣九儀在襄陽令道臣徐景麟守鄖左良玉兵至誤

以為寇斃傷三人良玉以聞逮戍景麟

壬辰山西降賊王剛王之臣通天柱等至太原索賞巡撫戴君  
恩誘之擒斬四百三十人通天柱孝義土賊時大旱賊愈眾

守備吳應元率辰州兵擊賊于彥陽敗沒

有賊自鄖陽金魚口渡江至界山石花街薄穀城

獻賊犯信陽鄧州調鎮溪算子施南土兵五千是日至賊畏之  
盡往應山都司周元儒擊却之

癸巳賊攻隨州唐縣鎮官兵擊却之鎮乃承天德安路屢被賊  
鋒

有賊自鄧州九星院至光化

甲午有賊自双溝至鎮新野

山西官軍破賊于青城村斬百六十級

丙申湖廣賊自均州草店至穀城掠石花街廟灘鎮又掠于城

西遇澧州援鄖兵擊之乃退襄陽舉人常存畏過賊欲奉以為  
主不許罵賊乃殺又有賊四五千自浙川犯南漳宜城房縣竹  
山圍均州

賊攻宜城主簿崔文台禦却之

丁酉以張伯鯨巡撫延綏

戊戌房縣兵破賊于石門溝斬滿天飛

賊偽為官役入竹溪城執縣令俞霄其子伯麟請代死賊殺其

一家

巳亥賊至鹿陽驛鹿頭店荊州兵不能過其渠魁皆昔布高誦視者即殺之

辛丑賊據太和山宮觀

洵陽賊逼興安分守道王在臺固守游擊唐通方擊西鄉土寇興賊轉攻紫陽平利白河洪承疇馳救之城得全練國事至商雒范復粹至漢中賊奔鳳縣又有賊犯光化均州其走閩鄉靈寶盧氏者破商南雒南二邑在萬山中向無防兵其北即盤屋華州渭南村落富寔賊所欲得商雒既破西鄉土寇乘之起漢中震動

癸卯賊破竹山千戶周文佐逃殺知縣汪振聲全家

甲辰賊至黃安去桐城三十里

賊掠均州之槐樹關襄陽推官江禹緒禦之賊走鄖陽

乙巳鹿陽賊攻荊門州騎數千步賊無數

擢延綏巡撫陳奇瑜為兵部侍郎總督陝西河南湖廣四川軍務討賊時賊蔓延四省流突無定廷議以為各鎮撫事權不一互相觀望宜以重臣開督府統攝諸道兵討賊得許廷臣以延水關舉用奇瑜

丙午賊南下至襄陽千總張某戰死左良玉兵前至鄖陽見關廂已焚移駐襄陽賊遁去見荊州無備沙草市多貨由小路南

下

已酉賊偽為廐卒陷當陽焚河溶諸村鎮距荊州五十里而屯當陽有黑龍冲廣二十里餘故為盜藪至是流賊據之

壬子副提兵楊正芳以鎮守兵至河溶夜破賊于班鳩灘遂至當陽遇賊萬餘戰十餘合大破之斬數千級

癸丑賊掠余家冲破遠安甲寅楊正芳兵至賊走陽平壩

賊數萬自河溶至當陽往荊州楊正芳督兵至金沙鋪擊賊追殺十餘里斬級百餘賊夜奔夢城

乙卯楊正芳破荊門州土賊退入村落

提督陳奇瑜會兵陝州

遊擊陳治策邀擊賊于隍陽村斬百餘級

有賊數萬屯鄖陽山中黑蝎子攻房縣破之傷知縣從貴殺教

官馬應奎千戶岳本高鄖陽雖設軍門地狹兵少承平久恃儉

陋不振刷仕途落度者為之時彥陽當陽有賊楚撫唐暉不救

鄖陽留許成名楊正芳自衛鄖陽撫治蔣允儀計無所出上書

請死

丙辰賊犯興山逼歸州

有賊逼漢水迫穀城立寨均州賊至光化又自夔溝至新野宜

城別有賊自淅州入鄖陽犯荊門直至夷陵襄陽之兵不能四

應賊由均州草店犯穀城掠石花街諸鎮又掠襄陽夔溝鎮煮

紉稚以飼馬焚劫西門外千餘家村落無不掠殺鄆西城甚小  
百姓先遁賊欲掠之至當陽遇官兵敗往德安路出山店殺千  
戶張以謙破上津房山竹山鄆陽之山綿亘數千里北通秦豫  
西通四川東通荆襄故賊始終以為中頓

南京兵部尚書呂維祺請防泗州鳳陽祖陵乞勅淮撫楊一鵬  
嚴防下部無留意者

二月戊午朔鄆陽賊間道犯夔府之大寧知縣高日臨設守城  
破死之初科臣祝世美請勅蜀撫劉漢儒督鎮臣張尔奇統兵  
全秦良玉星馳救蜀會川北道駐保寧川東駐達州及是提督  
陳奇瑜會兵陝州賊已入蜀

賊焚掠宜都之林溪口己未掠松滋之董市古老嘴  
賊犯西鄉五狼口

庚申賊破保康知縣方儒逃

壬戌蜀賊五百騎還陷興山知縣劉定國死之次日荆門計虜  
推官劉承纓合施州女土官冉氏僧黎明等遇賊于香溪平陽  
二壩斬級千餘復興山賊入四川犯萬縣

提兵鄧玘擊商南餘賊于鄆西山中斬七百餘級

甲子破興山賊合他犯歸州方入城劉承纓以施州兵至賊捨  
去入川

賊在南漳鄆陽撫治蔣允儀提兵鄧玘擊破之黑山斬三百餘

級進至鄖陽擊殺條五龍混天王九條龍草上霜等餘賊入西  
北山中鄧玘追之斬七十級

乙丑賊千騎攻夷陵知州楊之瀛禦卻之

丙寅賊犯夔州巴陳東無城人能設脩賊不得入

己巳漢中賊東鄉陷通江

歸州賊八千西走蜀劉承纓遣支羅百戶楊名世截擊之辛未  
敗賊于巫山赤溪鋪擒賊首自來虎餘賊遁巫峽邵覆承纓提  
兵分勦足以制賊知賊必遁巫峽承纓不承勝長駟乃以援荆  
東下不無遺憾鳳翼之舉措如此亦不問擬旨者咈之也然承  
纓卒以此免計處

賊自大寧大昌破下關城壬申以二十騎至夔州署印同知何  
承先在教場散兵糧賊騎二十馳至城下獄囚舉火城破承先  
被殺道臣周士登通判王上儀推官劉應侯知縣譚楚良俱遁  
河南賊掠灤川鎮殺巡檢  
湯九州擊破之追至鳳臺營

將軍嶺斬級三百殺頭目混江龍又名掃地王

甲戌賊攻夷陵散去

戊寅命石柱永寧遵儀兵分趨漢沔荆襄擊賊

山西賊自宜川渡河合降丁飢民蔓延于登城郟陽間官兵斬  
三百餘級餘賊遁走有兵自北來攻斬百十級賊入高碓有十  
三營號十萬掠洵陽興平安利與盧氏內鄉浙川上津鄖西之



寇皆在三省界上

庚辰副總兵楊正芳破賊于石門賊入山追斬四百五十級

賊萬餘人黃蓋鼓吹攻荊門州

賊殺蜀人藏窟者室殺之伏林者焚殺之割童孩之手足曰瓠奴鎡其背于空中曰雪裏糰置大繩馳嬰兒數百觀其呼號而死則快飲曰看戲剖孕婦之腹斫善走之腔碎人肝以飼馬張人皮于市

賊由大寧大昌入巫山破夔州甲申至開縣雲陽而東江新寧東鄉儀隴廣元無不殘破惟梁山有中書涂原集鄉勇捍禦得全四川巡撫劉漢儒巡按党崇雅誰以原將蜀兵不許

樂平興臨苛嵐賊王川子等合飢民數萬剽掠陳竒瑜遣兵擊之

楚撫唐暉奏曰南漳之賊從竹房保康來者推官劉承纓以施南兵勦之而遁楊正芳先奏三捷賊有間道入秦蜀者有竄逃山谷間者其徒寔繁鎮筓兵抵荊門者二千五百餘尚在途施州兵至荊者二千容美兵至荊者五百總兵張應昌率兵八百于廿六日入郢監紀孫茂霖總兵李卑率兵四千廿九日至荊門臣令張應昌于宜城孫茂霖李卑于南漳擊賊

撤倪寵王樸還京

遊擊周希諒以千人擊賊于定水敗沒

賊至王岡麻城黃陂

三月丁亥朔蜀賊馬步二千餘攻達州五日知州張聯象禦之  
斬七百餘級

總兵鄧玘太監孫茂霖等分道勦房縣竹山保康均州賊自辛  
卯自八道河擊賊于胡池冲賊走山嶺廟嶺界口蔣允儀以兵  
夾擊賊敗走高南共斬七百級

山西官兵擊平陽飢盜斬二百級

丙申荆南道陶崇道檄諸生黃良辰等破賊于尖山：在當陽  
遠安間

山西大旱無雨八閱月人相食巡撫戴君恩請留新餉二十三

萬并發內帑賑濟上命太僕寺給量給

副總兵楊正芳破賊于當陽于遠安于金沙于官田擒賊自趙  
進寶柴孟孝又破賊于仙女山

監紀孫茂霖副將李早破賊于當陽之蓮花坪追斬二十餘里  
陝賊破保安縣守法華職旋以勦宜君洛川賊功得復

楊正芳破賊于胡家坪斬三百級

庚子孫茂霖李早破賊于南漳于胡地冲材官趙友春戰死

辛丑川賊至數萬至寧美州

甲辰川賊犯巴州太平官兵擊破之

癸丑陝西賊闖天哨等百人從道塲山襲安定飢民內應城陷

殺遊擊李在川知縣張文耀逃

陝賊破鎮安殺遊擊宋應科

是月諸將屢勝共斬首三千級

詹事劉宇亮等奏流賊蔓延河南鄖陽之兵但事駭逐于是漢

陰興安之賊由東鄉太平鄖陽之賊由大寧巴東皆入四川

夏四月丙辰朔逮鄖陽撫治蔣允儀失陷鄖西竹山房縣也以

無兵罪止充軍大名道盧象昇代

丁巳河南賊焚陳州屯歸德光山固始

已未陝西賊從之羊腸河口突出張全昌擊敗之于犬牙

山

川將張爾奇敗賊于廣元賊渡利州河屯平陽白水諸關為土

兵所扼走奉節

川民多村寨賊難掠食老回：過天星滿天星撞塌天混世王

以其党三萬回鄖陽屯黃龍灘張全昌擊之五嶺山敗員劄還

均州總督陳奇瑜在南陽令鄧玘曹變蛟張應昌赴援賊分三

一從鄖西窺浙川一從均州窺南陽一從金漆坪往高南又有

賊自蜀隴入鳳翔過秦嶺而東入永寧山中與過金漆之賊合

二三十萬鼓行而東

庚申鄖陽賊萬餘為將所逐走至白河殺掠

洪承疇以揀漢犯甘肅自漢中由棧道至青橋驛聞寧羌賊急

是日還至褒城發兵由沔縣援寧羗賊于平陽過河掠階文分  
從鳳縣掠寶鷄商南有賊千餘壬戌練國事遣遊擊費邑宰等  
擊之斬三百級賊遁盧氏山中

乙丑總督陳奇瑜在陝州遣將哈達李國奇等分擊永寧盧氏  
嵩縣山谷賊：遁商雒追擊敗之降五百餘人南河府稍安  
房縣賊婦倍于男丙辰張全昌擊之斬百六十級

壬申洪承疇至成縣而寧羗之賊已入終南檄副總兵賀人龍  
劉成功遊擊王永祚以兵三千擊之賊東走網峪川入商洛陳  
國事擊之有斬獲

癸酉階州千戶朱萬春百戶查鳴鳳任惟忠以兵至麻壩猝遇

賊皆戰死

甲戌發帑金五萬賑陝西

掠寶鷄之賊漸至沂陽隴州叅將吳弘器等追至五丈原又追  
至七盤坡皆斬二百餘級賊奪路從秦嶺至商州為遊擊費邑  
宰所擊走龍駒寨

乙亥鄧玘擊賊于竹山斬百四十級

階州賊數千騎知承疇至成縣乃趨兩當知縣杜世荐逃賊據  
之掠秦州街子口

丙申陝按范復粹奏曰陝西有三害一盧氏之賊在商洛二川  
湖之賊在漢中三延水關之降丁勾引山西之賊鳴張于宜君

洛川西安而漢中為急洪承疇兵少不能制賊乞勅陳奇瑜殲此大賊然後掃盧氏延水關賊

戊寅兩當賊自黃臣嶺高橋掠徽州之柳林已邗陷鳳縣分其

徒一向秦州一向漢中向漢中者官兵斷鷄頭關在褒城北八里賊不

過轉由漢王山宜即一統之漢山在府城南二十里犯城固洋縣承疇所遣兵

與守兵合擊大敗之賊走漢陰石泉是時群皆集于漢中接商

南洛南

鄧玘擊賊于之麻家渡斬百六十級

癸未賊陷上津都司何國輔中軍官張其猷贊畫賈長春潘長

庚指揮藏兼王用徵等戰死

漢中賊欲走四川不能過漢江入終南五月丙戌朔出黑水谷

至盤屋敗于鄉兵還終南

時賊絡繹數百里環興安州境臨洮將陳可受擊之白土關失

利百戶崔重隆把總楊永職守備焦萬廩千總楊承祖焦萬倉

皆戰死

戊子議賑山西飢民時永寧民蘇倚哥食其父母

已丑賊自階州入臨江驛守備張勛率兵禦之賊結筏渡江去

辛卯賊陷文縣民吏先逃時大荒斗米七錢

延綏賊分部一掠廊延走綏德清澗官兵擊斬一千三百級一

掠慶陽亦斬數百級

初陳奇瑜駐南陽川賊六七萬盤據房竹奇瑜恐賊四出移駐均州令陝撫練國事駐商南豫撫玄默駐盧氏楚撫唐暉駐南漳時國事奏缺兵缺餉缺官宗祿勢窮理極驛卒人思遁乙巳洪承疇復奉甘肅奏曰諸賊盡入漢中撫臣練國事駐商南以禦豫楚大寇西安久旱五斗米五錢人心搖、按臣范復粹駐省城以鎮壓之

龍駒寨賊竄入深山練國事遣署商洛道周士奇勦之大雨不能進辛亥晴有賊自盧氏來合之共五六千人奔鎮安

壬子四川副總兵 冒雨擊西鄉納溪賊斬五十級降者數百

是月泰山盜逸出峪口官兵截之還入山

六月乙卯朔庚申撤還監紀太監陳大金謝文舉孫茂霖

鎮安賊北至終南峪口吳弘器楊勇與石崇德等防之賊伏銳騎以馬步兵二百誘戰弘器中伏大敗癸亥賊出谷口官兵營于原上持賊之西掠郿縣官兵追至寶鷄岐山與鄉兵夾擊敗之

賊掠商州欲出內鄉

丙寅鄔撫盧象昇自竹山竹溪白河進兵奇瑜遣標將楊化麟賀人龍張天禮等助之擊賊于烏林關

戊辰賊破均州

流寇長編卷七

庚午鄧玘破賊于平利斬千餘級

癸酉詔責蜀撫劉漢儒縱賊入秦各撫協力進勦不得以尾遂塞責

鄧玘追擊竹山竹溪賊斬百六十級

己巳副將楊正芳追擊房縣竹山保康賊及之于金渡河口

鞏昌賊走禮縣

興安州車箱峽其中有地數十里四面絕壁猿鹿無徑闖將李

過李双喜顧君恩翻山鷄寺撞入其中山民壘石断路從高崖

下石擊之焚燬林木久雨弓解馬無芻多死困甚顧君恩多狡

智乃曰重賄群帥以乞降乃可得間走脫也竒瑜屢戰輕賊其

下得賄聳涌許之甲戌上籍軍門者一萬七千人闖將李自成

朱脂双泉堡人父守忠馬戶無子禱于華山夢有告之曰以破

軍星為汝子守忠喜且得子不知破軍何語也萬曆三十四年

丙午五月十日卯時有星自西流于東北大若盂亦有光熒惑

房宿六月陝西地震七月十八日己酉雷震朝日炫風拔木大

雨雹八月二十一日丁巳自成生長學擊刺于延安羅君奕父

母死与兄子過為驚蕩盡亡其資同里艾萬年与有怨訟之官

被撻無賴數犯法縣令晏子賓鬼之荷校于市欲殺之不果妻

韓故倡也有所私殺之与故亡命甘肅州為叅將主國部卒進

把總國奉調過金縣兵諱自成殺令及國反聚党數千人投闖

王因稱闖將

乙亥張全昌賀人龍于清張家川斬賊百六十級

丁丑張全昌追賊失利都司田應龍張應春俱死

庚辰撤曹蛟變回大同

辛巳賊圍西鄉陳奇瑜遣賀人龍援之

時瑞王常浩奏曰正月十五日洵陽破逼興安隨破紫陽平利

白河三縣督臣洪承疇提兵遠赴單騎出入萬山至漢中月餘

分毫不擾撫臣練國事移兵高維按臣范復粹馳赴漢中賊奔

四川而鳳縣又陷川賊復入秦州河廣之賊再入興安六月自

興安入西鄉犯郡界游擊張疑唐通設伏賊不敢渡江自今東

有洋縣之賊督臣陳奇瑜方議招安北鳳縣之賊蟠踞山谷西  
則沔縣寧羌略陽所在騷動臣在萬分孤危之中不知其所終  
也

車箱降賊多延安人當從鳳翔隴州平涼環縣慶陽靖邊以歸

即神一魁南犯之路也練國事令楊麒駐寶鷄備之

庚辰鄧玘追上津賊至洵陽之七家溝破之斬二百級

壬午提兵楊正芳以鎮寧兵破賊于石泉壩斬四百級

甲申楊正芳擊賊巢于鄖陽之木竹坡斬六百級

陳奇瑜擊秦楚遺賊于獅子山斬七百級溺水墮崖死者七八

千人



秋七月己酉朔陳竒瑜設伏于蚡溪寇至斬首三百級墮崖入江者無數攻賊走平利興安紫陽洵陽楊正芳擊斬七十級車箱峽降賊既出棧道即反破鳳縣殺唐三鎮鄉官辛思齊一家百八十口焚盡村落

丙戌河北有賊掠武安

盧象昇與張天札賀人龍于六月甲戌至此月丁亥勦賊于太平河竹木坡箐口共斬五千六百級又從長安壩追至瓦窰溝任河屍蔽漢口江閔南道王在臺率鄉兵勦山中亦有斬獲上津山陽尚有商南盧氏餘賊象昇遣中軍官李玉華遊擊周仕鳳擊之象昇以鄧垓兵譁還鄖陽

初朝臣陝西李遇知等請增兵措餉部議謂原調兵七萬已付竒瑜乃王承恩擊鄧延賊尤弘勳沛大威馬科劉光祚擊陝西賊

延綏叛兵楊國棟等三千騎抵西安乞撫巡撫練國事自鄂縣馳還登南城楸賊至濠畔講一日夜未決度必西走設伏盤屋之夾水溝時禾茂泥淖騎不任馳叛兵至伏發殲其半國事又遣官招之

國事奏曰甘肅喪師以來防邊不足安能分以勦賊榆林兵馬三千陳竒瑜帶去今賊三面入秦臣所將者不過臨洮固原之弱兵防秋當還兵愈少矣

庚戌徽州賊偽為官兵襲破成縣攻西和禮縣

八月甲寅朔時商洛賊入河南洪承疇不得離陝西命湖廣巡

撫盧象昇總理直隸河南山東四川湖廣軍務勦賊湖廣巡按

余應桂以承天兵三千守陵若秦寇入豫寇入秦承疇象昇

合力截擊淮撫朱大典兵二千三百楊御蕃兵一千五百防南

畿護祖陵董用文以兵五千赴漳德防守楊董二將豈非倪寵

以兵三千年文綬以兵二千赴河南協勦河南兵一萬六千湖

廣兵一萬五千李重鎮閔寧兵四千皆赴象昇調遣

時賊有自中牟走洧川有自祥符至尉氏轉至禹州許長州葛

間

乙卯延綬叛兵與賊合屯盤屋官兵擊之斬百級鄉兵擒斬八

十人

賊攻清水知縣蕭彥芳禦却之

賊破秦安西和禮縣賊合之共七八萬地周三百餘里民投賊

者數百人

丙辰賊攻盤屋知縣田時揚拒却之

叛兵九百人斬楊林請降又自疑奏走終南

丁巳賊攻隆德知縣費彥芳告急固原道陸夢龍遣把總王珍

往救珍潛遁隆德陷彥芳被殺夢龍以都指揮石崇德遊擊項

奇勳戰于城下皆沒事聞于贈祭賊又破葦亭

庚申張應昌破于咸陽賊斬五百級擒賊謀主劉

癸亥車箱賊三十騎襲破隴州即捨去陳奇瑜遣叅將賀人龍

守隴州闖將遣翻山鷄圍之奇瑜遣游擊王世明往援戰死

丁卯張應昌以兵夜走五十里曉渡涇河遇賊失百餘人還東

岸

華州渭南賊奔雒南鄉兵擊斬百五十級

兵科林正亨請遣樞臣視師不聽

車箱賊至寶鷄城下以督撫檄請入城知縣李嘉英汲三十六

賊上城斷首擲城外賊捨去盡殺奇瑜所遣送官叅將柳國銘

都司秦守信方英千戶余仁田思萬五十餘人

戊辰張全昌擊賊于西安敗績

甲戌西 賊犯秦州圍伏羌隴右道張兆曾擊敗之

乙亥賊陷同官

丙子江北賊張儒黃文鼎攻桐城不能破

丁丑伏羌賊北走通渭秦安叅將麻慄在礼縣不救

戊寅賊又圍靜寧犯莊郎縣入延安慶陽攻秦安隆德定安監

逼平涼

己卯闖將陷麟遊永壽同官与伏羌鳳翔賊合

京朝官李玄李知遇馬鳴世等合奏陳奇瑜縱賊之罪樞臣張

鳳翼阮奇瑜歸罪練國事

閏八月甲申朔四川巡撫劉漢儒免以王維章代之  
乙酉鳳翔賊百餘騎破靈臺執知縣石懷玉殺百餘人西去  
戊子莊浪縣賊逼平涼鞏昌百戶顧崇董印舒戰死隴右道張  
兆曾以廢將李鴻嗣統莊浪兵守鞏昌賊往西寧  
崇信城圯知縣龐瑜方修築辛卯賊騎五六百至無所掠即去  
涇州縣城連山丙申 賊從隙入知州姜鏐與士民力戰皆  
死之

有賊自三萬破白水知縣逃免殺二千餘人  
已亥陝按傅永淳奏賊自華州渭南敗後由寶鷄抵漢上絡繹  
七八百里八月分三道一據漢中一據延安鄜州一據商南雒

南

時車箱賊大熾北至慶陽西至鞏昌東北至邠州西南至寶鷄  
蓋屋可二十萬壬寅竒瑜至鳳翔見之大悔唯有殘二百餘人  
坐困城中承疇遣兵援之初竒瑜劾寶鷄知縣李嘉彥殺降傲  
變逮問嘉彥及寶鷄鄉官士民五十餘人庠生韓珽辨曰賊在  
漢中時南阻江北阻山西則棧道東則鄖陽有兵十餘萬數載  
蔓延之寇困于其中土民已截出路但竒瑜不聽詐降不用一  
兵不發一矢賊皆餓死而竟以詐降得脫一出棧道即破鳳縣  
殺唐三鎮鄉官辛思齊一家百八十口八百里連雲棧屍橫撐  
柱四十村落盡為灰燼此在寶鷄之南豈亦激變所致乎八月

十四日賊至益門鎮在寶鷄城南五十里渭水之南蜂屯蟻結烽火燭天

幸知縣李嘉彥率士民固守不受賊禍奇瑜于閏八月十八日  
至寶鷄面加獎諭賞以千金比過鳳翔見賊破七邑事勢大壞  
罪責必及乃歸獄于功臣勞士以蓋其愆縱巧言如簧何能掩  
三秦百萬人之口

壬子宣大總督張宗衡山西巡撫戴君恩以北兵至夫机皆免  
官吏部侍郎張捷推御史吳姓為巡撫上問何以撫山西對曰  
敵當禦之邊外若宣大不能遏入口山西內地安能駢之出口  
乎然其入邊尚在一二年口猶可預為修備今流賊徧滿內地  
郡邑為墟此國家腹心元氣之病不可不速為撲滅山西逼近

畿輔關係尤重復陳殲渠散党防河用將申嚴紀律諸事上傾  
聽久之其晚命下姓至山西親詣雁門一帶閱敵兵入口處城  
堡廢弛無一勁兵良馬邊牆殘頽器仗朽弊僅火器存焉將吏  
云自萬曆初不復修理此必俺荅既撫張江陵後後也六十七年矣姓乃繪圖  
列所應修治增設臺堡牆上之委廉能官督丁壯葺治之又治  
昔年管修諸弁侵冒罪立限完工

平涼境瘠又大荒人多散亡莫与城守惟恃固原為控制德隆  
之賊道將俱死賊連破州縣巡按傅永淳奏掠涇陽富平淳化  
者為漢中以無之賊從長刻寧州從信刻涇州者為葦昌西未  
之賊劫汧隴者為漢南未撫之賊

河南大旱

九月甲寅朔賊破臨潼鎮安山陽秦州平利山陽焚掠尤甚縣  
官吏大勲彭孝魯死之

河南賊二十餘營于潼關東連屯百餘里別賊萬餘營洛南閩  
鄉又有賊走內鄉鎮平

戊午陝西賊入平涼分攻鎮原華亭汧陽次日華亭破殺二將  
闖王以賊數萬圍扶風一月知縣王國訓固守縣去省城百三  
十里救終不至賊運土填壕作土山攻之癸亥國訓與夏達中  
等死庠士趙志益倡義被殺官兵至追兵敗賊于郿縣皆奔武  
功乾州山中闖王偽乞降

癸酉官兵擊斬洛南賊二百餘級

賊數千自高州雒南犯北朱陽鎮即捨去

兵部議檄豫兵從潼華入楚兵入高雒入蜀兵從漢興入晉兵  
從韓蒲入協勦秦寇

賊掠略陽

丁丑鳳翔延安賊分中部一由鳳縣棧道攻漢中一由略陽過  
平陽關入四川留鳳翔者掠涇陽三原諸邑

壬午豫撫玄默率兵破賊于臨禹溝

雒南地方

賊聚鳳翔游食涇陽三原諸境而以零股東侵高雒其意仍欲  
假道河南為渡河北返之計豫撫玄默分布要害以周尔敬防

蘭草岐河諸口陳治邦防西路善車夫峪諸口李世翰防

守朱陽韓家店南河司諸口陳永福防花園閔瓦屋龍駒寨諸口李家璿璣防杜家店抗秦溝南諸陽諸口然賊亦兵寡默飛章告急

賀人龍久被圍于隴州闖賊遣人龍同鄉高杰招之不應城久不下闖賊遣別賊代杰歸洪承疇自甘肅歸辛巳至平涼遣副將左光先率兵由華亭間道救隴州賊解去

大賊在鳳翔別有二枝在雒南窺河南巡撫玄默自率周尔敬陳治邦李世翰陳宗朱兵入朱陽關由深山間道壬午至雒南臨禹溝賊攻山寨將破不虞官兵北至驀擊之賊走潰分追殺大破之斬級五百寨民渴水面目焦黑中軍高國柱追急賊轉

身斫斷二指子鳳羽年十六奮擊國柱得免賊奔山頂見官兵收其婦女躍馬馳下降丁張寵一騎獨前斬一賊各兵呼躍齊進俘斬甚多

冬十月甲申朔己未以侯良柱為四川總兵

上以流寇擾河南命總兵鄧玘簡薊鎮精兵三千五百屯臨洺勦寇延綏寧夏甘肅固原援兵屬陳奇瑜調遣洪承疇以標兵夾擊陝西山西河南鄖陽四川巡撫扼截要害

癸巳河南賊至霍山英山分掠潛山太湖宿松

丙午信陽賊自應山德安犯京山由顯陵入山

永寧賊陷靈寶

辛亥土賊引流賊陷盧氏

壬子逮戍陝撫練國事以李喬代之陳奇瑜委罪國事也喬請調邊兵二萬措餉二十萬合河南湖廣山西四川兵入陝西勦賊

時川中賊盡至漢中又有賊掠華州

提兵左先擊闖將于高陵富平間斬四百餘級

闖將以弟死于陣佯乞降于監軍道劉三顧真寧知縣王家永自往招諭被留失印賊之走涇陽三原者扼于洪承疇東奔華州渭南者扼于趙光遠遂入終南山華州南原之賊出朱陽關兵科常自裕奏賊一股自商雒漸進內鄉又一股近靈寶十月

二十九日一股焚掠華州渑池報賊焚劫靈陝一帶西賊東奔十一月癸丑朔丙辰西寧兵亂殺州官遂守道孔聞籍戕其家鎮守太監逃免硬弓把牌多死甘肅巡撫張應辰討定之洪承疇赴西寧鎮壓

戊午提督陳奇瑜請各鎮撫分地責成從之時賊潰決奇瑜欲誣罪于衆也

癸亥賊自洋縣走石泉

初賊馬步四五千自盧氏而東玄默檄陳治邦李世翰駐靈寶

周尔敬防盧氏賊突逼至新安默追屯渑池召尔敬來援甲子

挫賊于底凡

距渑池四十里

賊上北山



甲子曹文詔張全昌充軍

陝西賊分三枝一由秦徽入漢南竒瑜調四川副將張令譚大孝及唐通等會承疇所遣副將左光先游擊靳桂香等合擊徽有斬獲竒瑜又檄守關二監軍會勦之一由南山合商雒之賊轉入靈陝竒瑜發標將來胤昌都司楊明等防河叅將賀人龍從陝州入河南會左光先之兵擊之一自平涼涇州漸逼邠乾欲待官兵出關向涇陽三原以有備由潼華入商南竒瑜與巡撫李喬議調兵守隘口乙丑至潼關督率賊向河南者以分三枝過天星關王自商州至渑池老回：從雒南趨河南府及汝州橫天王從雒南上津踰鄖陽至鄧州共七十二營

丙寅山西巡撫吳姓請用曹文詔張全昌

戊辰賊至城固五郎口泉水寺已已副將光先擊之斬百四十級賊走南山

辛未賊犯漢陰

一作山陽

壬申遊擊陳永福擊賊于永寧西長水舖擒賊魁八大王鉄鑪剛猛師

乙亥賊犯鄖西都司秦良憲發銃擊殺賊目

丁丑陝西賊自盤屋逼西安總督陳竒瑜率諸將禦之賊走渭

南華陰入南山

常自裕有疏

練國事對簿具言陳竒瑜縱賊出險狀与李嘉彥韓珽詞合本

兵張鳳翼猶奏奇瑜擊賊微階汧隴斬級五百科臣顧國寶劾  
奇瑜罪并劾鳳翼奇瑜落賊即訊以洪承疇代之總督三邊如  
故

戊寅西安鳳翔地震

庚辰命總兵鄧玘援河南

辛巳命山西巡撫吳姓河南巡撫玄默移駐要害防賊

壬午中權營叅將曹變蛟告疾去

盧象昇襲賊龍駒嶺失利遊擊董千總孟俱戰死

十二月癸未朔乙酉左良玉擊賊于確山追至蔡家坡斬六十  
級

叅將賀人龍破賊于陝州之梁村斬八百級

閣臣溫体仁累被劾累乞罷皆不許

楚將許成名往陝西葭子土將張上達陣沒葭兵殆盡鄖陽客

兵已去止存兵二千乙酉流賊五六萬後隊未發漢陰前哨已

至鄖西上津綿地四百里賊勢飄忽隨州德安荆門無地不掠

丙戌賊犯鳳陽府

丁亥以丁魁楚總督薊遼保定

以總兵楊正芳有勦寇功加右都督

掃地王過天星大夥從高山洛南入靈寶連綿不絕或向米食

或向杜閩或向松園陳治邦周尔敬兵少不能戰



原件短缺

戊子左良玉破賊于靈寶之靈井山及南川口擒五條龍賊往朱陽

工科郭九鼎言洪承疇難兼勦賊宜更設五省提兵督兵科蔣德瑗亦言之不許

常自裕有疏在長編

庚寅陳永福擊賊于魯山縣之瓦屋斬百餘級擒闖陣王于陳德

辛卯永寧叅將周尔敬擊賊長水西川袁家窰斬六十級把總尤國光戰死

賊至陽襄一從鄧州構林關來一從內鄉党子口來一從新野新店掠蔡陽舖及溝鎮大里碑歐家坪來

癸巳廣東巡按錢守蕪奏臣過淇縣親見左良玉兵掠婦女甚多鄧玘更甚無以擊賊又大害于民若曰奪之賊手而不歸之於民与賊何異上令核寔

以張其平巡撫保定

洛南賊入內鄉西北之峽口關

賊自嵩縣抵安臬山立營距南陽城五十里

甲午張鳳翼引咎求罷不許

左良玉擊賊于永寧連破之捷浪高山

流賊犯嵩旂鼓官甯志武等擊敗之斬十九級

流賊由呂堰驛犯彥陽隨州宜城桐柏

犯上津者知縣毛芬百揆李友信等設伏擊之斬百四十級  
賊犯鎮平

丙申流賊犯內鄉

丁酉流賊五萬犯郡西

戊戌流賊犯監田副將化麟等與知縣雷時應擊敗之斬四百  
餘級

流賊犯麟游殺掠甚衆犯新野唐縣南召

己亥犯鄧州

辛丑以承疇有功加二品服俸

叅將

擊賊于棗陽之紅花店斬四十級殺一字王

壬寅叅將馮時早敗于隨州賊走應山

秦賊破渑池靈寶命鄧玘援勦湖廣先是湖應廣巡撫余應桂  
料賊必犯淮揚奏請設備南樞呂維祺慮鳳陽陵寢單外宜為  
之備本兵張鳳翼無他規畫惟請勅下鳳陽山東二撫臣及操  
江嚴備要害而已

鳳陽巡撫楊一鵬內閣王應熊之座主巡按吳振纓內閣溫休  
仁之鄉暱皆庸夫守陵太監楊澤貪虐歛怨指揮侯定國恃澤  
恣橫是日兵亂殺定國投書道上曰以明年上元引流賊撫按  
弗為意

癸卯流賊犯應山孝感

甲辰以提兵孫顯祖鎮臨洮左光先鎮陝西  
乙巳左良玉實授都督僉事湯九州署都督僉事以河南勦賊  
功也

賊犯西鄉副提兵左光先游擊斬桂香擊賊之斬四十級

叅將馮時早擊賊于隨州斬五十級又擊斬二十級

秦翼明率兵二千赴鄖陽

左良玉擊賊于宜城永寧山賊于柳泉斬其哨騎賊自嵩縣伊

陽南行官兵追擊斬百三十級良玉又破賊于戎家庄賊屯裕

州魯山寶豐間攻汝州

時賊屯聚往來于陝州靈寶盧氏永寧欲乘水過河至山西丙

午巡撫吳牲督叅政葉廷桂叅政猛如虎劉保虎大威等嚴防  
不得過

丁未賊犯汝州河南巡撫玄默豫遣都司陳治邦等禦之斬百  
級

己酉都司陳永福擊賊于泌陽牛王塚斬百六十級

永福又破于西華之新口斬百餘級

辛亥闖賊過天星破盧氏

是月左良玉軍渑池陳永福軍南陽鄧玘為援

平陽汾州防河兵多逃匿五臺陝西鄖陽俱告警又有賊舟數

百下常德兵部徵邊兵二萬增新餉二十五萬合湖廣山西兵

二萬五千勦閔中賊  
陝西又大荒

一無虛飾并洪承疇申理之疏載之于此則鶴之罪狀与當日  
流賊之形勢皆可考矣詔獄供狀云鶴湖廣常德府武陵縣人  
由萬曆三十二年進士服官中外原未閱歷邊疆中遭削奪蒙  
聖恩起自田間補都察院左僉都御史歷陞副都協理院事此  
官例不外轉比因陝西流賊猖獗又兼固鎮兵譁訛傳前總督  
武之望自裁懸缺數月無人肯往吏部會推用鶴到任兩年零  
四箇月三歷秋防申嚴守延綏三路大捷堵回揀渠桑我兒賽  
寧甘等鎮擊斬渠魁于兒罵大破定夕成諸部節次擒斬首  
功共計三千五百餘級邊疆幸保無虞止是內地流賊起于萬  
曆天啓年間援遼兵丁陸續逃回不敢歸伍因而結聚搶掠以

漸蔓延不幸邊地亢旱四載顆粒無收京民二運輸轉不繼飢軍飢民強半泛賊遂難收拾然該鎮守巡撫各有信地各有兵馬堪以勦殺盜賊撫安軍民鶴奉勅書居中調度初任半年漢南賊遂蕩平延亦初底定後曰邊警調將徵兵沿邊五大鎮如吳自勉楊麟尤世祿王承恩楊嘉謨等統兵一萬七千先後入援又值延撫張夢鯨物故陝撫劉廣生甘撫梅之煥親自領兵出關東去以致邊腹空虛賊復乘機蠢動鶴于三年正月內移鎮省會請旨勤王陝聞延慶夥賊數千由宜維直奔韓城勢甚危迫鶴將後運援將李鴻嗣劉國棟等已出潼關之兵星夜調回由朝邑卻陽間道啣枚疾擊各賊大賊奔走始解韓城之危

鴻嗣等仍願兵東援後有結聚郟延等處之賊鶴復遣標下游擊夏有啓李養棟等領兵協勦屢有斬獲七月延綏東路賊首王加印聚眾攻破府谷縣寇移會撫院洪承疇遣檄遣原任提兵杜文煥督官圍困三月勦殺賊級千餘恢復縣城賊走山西十二月西路賊首神一元高應登聚眾數千攻破寧塞營柳樹澗堡新安邊等處復陷保安縣寇差標下守備陳有謨帶領兵馬督副將張應昌苑攀龍等官兵勦困一元之弟一魁出邊勾動西人提兵官杜文煥賀虎臣等各自退回賊遂擁眾數萬長驅直入今年二月二十四日圍困慶陽府城寇時正在固鎮挑選兵將措處錢糧打發起程前往薊鎮日衛換班忽奉旨移



鎮延綏勦賊隨于二十五日止帶標下官兵三百行至永壽聞慶陽報警即日返轡于二十七日馳赴寧州時慶陽被圍北道斷絕陷在呼吸賊復分兵破合水縣擄知縣蔣應昌人情怕無兵可調不得已委知州周日強遣人持告示傳諭相機解散又差舍人劉可觀等入賊營招之賊遂乞撫遣總兵杜文煥調定邊副將張應昌提兵南下于三月初三日挫賊解圍賊退回合水遣頭劉金劉鴻儒求撫乞至初九日大小頭目六十餘人率眾歸降送回應昌猷出保安印信十六日神一魁親來投見量給名色劄付差官往合水查點降丁給散飢民印票于二十九日散遣俱盡宦親至合水查勘城池賑濟難民復駐慶陽

數日撫恤瘡痍仍回寧州料理安插善後間不期某等夥賊又復猖獗撫院趙宦移鎮西安宦于五月十五日移鎮耀州賊已于十四日攻破金鏢關殺都司王廉官兵敗衄賊勢復張有賊燈子上天猴渾天猴等嘯聚黃龍山一帶搶掠韓城山等縣時延綏總兵王承恩與省兵合勦路家原斬賊二百四顆三郎要險斬賊一百四顆石堡川斬斬賊一百二十顆郃陽梁山斬賊四百五顆店頭山斬賊一十六顆太平原斬賊三百十三顆俱有撫院塘報在部環縣寧真之賊原係安保安合水餘業宦遣中軍副總兵王性善同寧夏總兵賀虎臣領兵勦殺斬首五百餘級賊首劉六與党惡三十餘人碎尸環縣塘報到部可查李


二田近菴等散掠真寧縣該耀州道翟時雍招撫安插馬欄等處餘賊未能一鼓蕩平務在次第勦滅六月前任陝西巡按御史李應期復命內稱秦中流賊旋撫旋叛等事聖旨著巡按陝西御史吳姓查奏崔移鎮鄜州日久期秋防將欲回鎮移咨洪撫院檄行總兵王承恩將兵馬駐劄延安以防賊起即行勦散豈期七月十七日崔方離鄜州二十九日遽有流李老柴獨行狼等聚眾攻破中部縣崔又星回耀州會同練撫院檄遣總兵王承恩副將張全昌趙大胤與東回甘肅總兵楊嘉謨等合力攻勦至十月初十日克復縣城擒獲李老柴等三名見在獻俘崔于次日就逮竊崔原奉勅書鎮巡以下官員悉聽節制

一應兵馬錢賞糧賞罰等項事情應自處者徑自區處與各該鎮巡計議者從長計議十分重大者上請定奪如此十年餘孽四載奇荒徧地是賊比戶可誅非豈十分重大事情崔自到任至今前後疏數十上賊勢兵情一、奏聞聖上寧敢隱飾至七月間恭報勦賊情形一疏內稱諸賊窮餓之極無處生活兵至則稽首歸降兵去則搶掠如故此必然勢又稱一面真心招撫解散一面著實整兵備禦果真解散則兵徑可不用倘仍聚仍搶則勦不得不力繼之此与李御史所奏流賊旋撫旋叛語意正用而崔未敢徇撫諱勦即此可見時日未久紅本尚在部科可查但李御史先曰聖上平臺台對問陝西藩臬以按臣何故

殺降賊王左掛子一事一向驚悸成疾其意欲明殺降之事遂將塘報流言不分虛實盡入疏中如西安北界殺典史都司即是金鏢關等處崔方身在慶寧無兵無將空手撫賊豈能全代陝撫兼顧西安又如京師訛言崔出告示敢言勦賊者斬及傳檄郡縣兵不許設哨馬城不許設守具以致御史孫徵蘭風聞入告崔非病狂表心何至于此幸蒙聖恩行巡按御史吳姓查奏將告示全抄入疏備呈御覽崔區區赤方得明白今蒙勅問崔在陝西二年零六個月三歷秋防擒斬積有多功邊疆幸無失事自二年正月以後勤王勦賊多鎮往來不往寧處慶陽之圍身親虎穴鄜州之戰獻俘馬前憂勞凶恨惧人所難堪崔不

敢避且如各鎮總兵東援日久惟崔駐劄固原不敢請令總兵回鎮至今楊祺尚在薊州原缺亦未推補又如勤王之兵換班絕少惟崔正當奉旨移鎮勦賊之時發遣固原官兵換班入衛此崔生平一片愚忠不敢以西方之急而先聖明東顧之憂如此才庸命蹇遭際艱難餘賊未能蕩平自當束身待罪但崔任內邊功除寧夏千見罵外尚延有甘首級二千七百餘級未經收錄且發勤王五帥恢復四城與出塞諸功各蒙陞賞是崔調遣亦有微勞前冬警薄都城崔兒子嗣昌任河南兵備募兵一兵一千三百星馳入援守阜城門外數月奉旨回任隨調霸州又調山海關是崔父子盡心報國情實可憐功亦堪準所言前

後事情不能盡述  
摠祈聖明  
忝鑒耳



四

聖